

جریدہ علمیہ

مشیت جلیلہ اسلامیہ مکہ جریدہ رسمیه سیدر

غرة ذی الحجہ ۱۳۳۲

عدو: ۶

آیہ بر نشر اول نور

برنجی سنہ

« متره پولید وکیلارنك تصدیق وصیتنامهیه صلاحیت دار اولدقلرنه دائر »

اینه بولی قاضیلکنک حواله بیوریلان ۲۸ شعبان سنه ۱۳۳۲ تاریخی اشبو عریضه سی و ملفوفلری قرائت اولندی

متره پولیدلرک دائره روحانیلری داخلنده کی قضالره وکیل تعین و اعزام ایلدکلری رهبانک تصدیق وصیتنامهیه صلاحیت دار اوله میه جقلری ۹ تموز سنه ۱۳۲۵ تاریخ و ۳۹۳ نومرولی بیورلدی سامی ایله مبلغ شورای دولت قراری ایجابندن بولندینی و ملفوف وصیتنامه صورتنده کی طرز تصدیقه نظراً اصل وصیتنامه نك متره پولید ویا مقامنه اقعاد ایلدیکی وکیل حضورنده تقریر و اولوجهله تصدیق ایلدیکی آکلاشلمقده اولدینی جهتله بوبابده تحقیقات مقتضیه اجراسیله تحقیق حائده صورت مذکوره حائر اعتبار و موثوقیت اوله میه جغندن معامله مقتضیه شرعیه نك ایفاسی ضمنتده مظلوماً مذکور قاضیلکه اعاده بیورلسی تذکر ایلدی اولبابده

۲۵ شوال سنه ۱۳۳۲

*
* *

« سندات و مقاولاتك محاکم شرعیه ده صورت قبولنه دائر »

عدلیه نظارت جلیله سنك فتواخانه عالدین اعاده تودیع ایدیلان اشبو تذکره سی و مربوطی و بالایه محرر درکنار قرائت اولندی

کتب فقهیه و مجله جلیله ده صحت عقوده دائر بیان اولنان شروط و کاتب العدل نظامنامه سنده معین اصول و شرائطه موافق صورتده تنظیم ایدلمش اولان سندات و مقاولاتك بر موجب قانون محاکم شرعیه جه ده قبولی لازمکه جکنک قضاة کرامه تعمیماً و کیفیتکده نظارت مشار الیه جواباً اشعار بیورلسی تنسیب ایدلمش ایسه ده اولوجهله اجرای ایجابی منوط رأی سامی فتوا پناهیلریدر اولبابده

۲۹ ذی القعدة سنه ۱۳۳۲



تذکر علی

« اموال ایتام و اوقاف اداره لری مطلوباتك تأجیل دیون قانونکه دائره شموی خارچنده پراقلمسی ایچون مالیه نظارتنه »

ایتام و صیلری نفقه ایچون سزلمقده اولدقلرندن بحث ایله تأجیل دیون قانونسك مطلوبات ایتامه شموی اولوب اولدینی بعض محللردن استفسار اولنمقده در معلوم عالیلری

اولدینی اوزره ایتم اداره لری معاملاتنک ادامه انتظامی و محافظه حقو قلری ایله مکلف اولدق لری ایتم وقاصرینک تأمین معیشتلری آنجق مبالغ مستقرضه یی و نملرینی وقت وزمانیله استحصال واستیفایده بیلملریله قابل اولدیغنه و تأجیل دیون قانوننک دائرة شمولنده قالملری بر چوق ایتم وقاصرینک دوچار سفالت اولملرینی انتاج ایلیه جکنه بناءً مطلوبات امیریله مثللو اموال ایتم و اوقاف اداره لری مطلوباتنک دخی دائرة شمولی خارجنده بر اقلمیسی اسبابنک استکمالنه همم علیه نظارتیناهی لری مصروف بیورلمسی متمنادر اقدم [*] ٨ ذی القعدة ١٣٣٢ و ١٦ ایلول ١٣٣٠

*
* *

«مدارس علمیه ومکاتب وقفیه نك احوال صحیه سی - حقنده متخذ تدابیره دائر اوقاف نظارتنه»

بنه تعالی اصلاح وتنظیمنه صرف مساعی اولنان مدارس علمیه ومکاتب وقفیه نك احوال صحیه سی ده نظر اعتنادن دور طوتلامق واجبه دن اولمسنه وسالف الذکر مدارس ومکاتب طلبه سنک تأمین صحتلری ایچون اتخاذ اولنه جق تدابیرک وتدایر مذکوره صور اجرائیه سنک قدرت کافیّه فیه یی حائر بر طیبیک محصول مطالعه سی بولمنسی و آنک تحت نظارت وتفتیشنده تطبیق ایدلمسی لزومی بدیدار اولوب حذاق اطبای عثمانیه دن عدنان بکک وظیفه مذکور می فخری اوله رق درعه ده ایلیه جکی اکلاشلمسنه بناءً مدارس علمیه ومکاتب وقفیه فخری صحیه مفتش عمومیلکنک مومی الیه عهده سنه توجیه یی خصوصنه بالاستیدان صورتی ملفوف اراده سنیه حضرت خلافتیناهی (**)[*] شرفصدور بیوریه رق مومی الیه تبلیغ ایدلمش اولمغله اولبابده ٢٤ ذی القعدة ١٣٣٢ و ٢ تفرین اول ١٣٣٠



اوقاف نظارت جلیله سنک تبلیغات عمومیه سی

«منسوبین و خدمه اوقاف حقنده واقع اولاجق شکایت اوزرینه تحقیقاتک مأمورین وقفیه جه صورت ایفا سنه دائره»

برات عالی ویا وثیقه رسمیه ایله تصرفی واقع ومتعامل اولان جهات علمیه وبدنیه توجیهاتنده شروط شرعیه ونظامیه یه توفیق معامله مجبوری درکار اولدینی کبی رفع وعزل مثللو تصرفی اسقاط وخدمتدن اخراجی ایجاب ایتدیرن احوال واسبابک وقوعنده ده

[*] اخیراً نشر اولنان قانون اموال ایتم و اوقاف اداره لری مطلوباتی تأجیلدن استثنای ایلمشدر.

[**] اراده سنیه صورتی جریده علمیه نك نسخه فوق العاده سنه مندرجدر.